



Section ten Hnam lam intihsiak dawn

Branch News

Chanmari West, 4th August, 2013 : Chanmari West Branch YMA Executive Committee chuan September Ni 5 leh Ni 6 a Chief Minister Running Trophy Mizo hnam lam vawi 11-na Central YMA in branch hrang hrang tana inelna a buatsaih tur inbuatsaih nan kan Branch chungah Section wise hnam lam intihsiak a buatsaih chu August ni 9, zirtawp zan dar 7:00 hian Chanmari West Indoor stadium-ah a buatsaih dawn.

Ni 9.8.2013 Zirtawp zan dar 7:00 hian Indoor Stadium-a Section wise hnam lam intihsiak neih turah YMA memberte a tam thei ang ber tel turin an in hriattir.

He intihsiak hi khual lam leh chai hmanga tih tum a ni. Hnam lam intihsiaknaah hian musician tel lovin member 20 aia tlem lo tel theuh tura beisei an ni. He intihsiak endiktu atan hian veng dang mi Pu RL. Mangliana, Nursery veng, Pi Lalnipuii, Hunthar veng, Pi Lalrindiki, College veng leh P i Ngurmawii Ralte, Ramhlun North te endik tura sawm an ni.

hnam lam entir turte thlan leh tur an ni. Section hrang hrangte hi ngawrh takin an inbuatsaih a, an section lam zirna remchangah zan rei tak tak thlengin lam an zir thin a, an member lam zir tura thawkchhuakte chung section hruaitute an lawm hle a ni.

Ni 31.7.2013 Nilaini a Central YMA Culture Sub-Committee meeting CYMA Committee Room-a neihah Branch Executive Member Pu VL Thakima a tel.

Section lam thiam ber hnenah lawmman atan Rs. 3000/- a ni a, section tel zawng zawngte hnenah Participation Prize Rs.1000/- theuh pek tura tih a ni baw. He section wise ahang hian Branch aiawha

Hetih lai hian Branch YMA Committee pawh lam zirtir tura an beiseiten an mawhphurhna tha taka an hlen chhuah avangin lawmthu an sawi baw. Ram pum huap intihsiak hunah tuna lam thiamte ahang hian kan Branch aiawh tur thlan chhuah an ni leh dawn a ni.

Ni 1.8.2013 Ninga zan khan CEC Meeting CYMA Committee Room-a neihah Vice President Pu K. Darthantluanga a tel.

Pi Lalawmpuii w/o Pu C.Lalzarliana President damlo, inlama in enkawl mek chu a dam leh thuai an duhsak hle.

Branch Zaipawl hla zir camp inrinni zing khan an chhuak. Pasaltha Neuva inah tukthuan kilpui an ni.

Branch zaipawl camp nana School hman tirtu Middle School Hesdmaster leh Staff chungah Branch YMA in lawmthu a sawi.

Chanmari Ranch YMA in thlan laih tanpui nan Rs 1000 min rawn pe a, an chungah Branch Committee a lawm hle.

Branch Zaipawltan ngawrh takin Camp.-ah Hla an zir

Central YMA in Pu Rokunga kum 100 tlin lawmna puala Branch YMA Zaipawl intihsiak August ni 13-15 inkara a buatsaih tura tel turin Chanmari West Branch YMA zaipawlte pawh an inpuahchah chho mek zel a, ni 30 thawhleh zan ahang zirtawp zan thleng khan khan Chanmari West Middle School-ah riak luta hla zir Camp hi neiin inrinni zing khan camp hi an chhuak a ni.

mawi zawk leh aw pek dan hrang hrang (vocal exercise) zirna hun hman thin chu Tv H. Lalthazuala (Puia) a zirtir thin a ni. Zing dar 5:30 ahangin hla zir thin a ni a, Conductor Pu RK Ramherliana, Asst. Conductor Tv David Vanlalpeka leh Zaipawl Secretary Tv C. Vanlalhriatpuia ten hla zir hi an kaihhruai thin a ni.

Branch Zaipawl te hi Conductor te nen an vaiin mi 42 an ni. He intihsiak hi August ni 13 leh 14-ah neih a ni dawn a, heta an tlingchho a nih chuan ni 15-ah Final Round hi neih leh tur a ni. Chanmari West Branch Zaipawlte hi ni 14-ah tu m 15-naah an zai dawn a ni.

Zanah hian Branch leh Section hruaituten thingpui an lum sak thin a, thingpui lum saktute chungah Branch YMA chuan lawmthu a sawi a ni.

Zaipawl Camp.-ah hian zai dan

Pu F. Zosanga Adviser Gas bur 1, Pu A. Biaklawma Adviser Rs. 500 leh LS Bakery ten Cake leh Biscuit eng emaw zat an pe a, an chungah Branch Committee a lawm hle.

LAWMTHU SAWINA

Branch YMA Zaipawl hmeichhe kawr tur Silk puan eng metres 23, lace 16 metres leh mipa bowtie tur puan eng emaw zat Sarah Fashion neitu Pu Laldingliana (Madinga) Chawngbawla section chuan Branch YMA a rawn pe a, a chungah Branch YMA chuan lawmthu a sawi tak meuh meuh.



TUNKAR CHANGVAWN

“ Isua Krista chu nimirah nen, vawinahn nen, kumkhua pawhin a pangngaiin a awm fo vang. Zirtirna tinreng leh zirtirna mak tak len bovin awm suh u” Hebrai 13:8,9

Editorial Board

Editor:	RLalringheta	9862358337
Joint Editor :	Lalchhandama	9862358347
	JLalnangliana	9862399658
News Editor :	Thangkhumma	9862303135
	Lalchhuanmawia	9862580558
	KLalremtuanga	9862119608
Cir.Manager :	Jacob Lalrinsanga	9612319779
Production Manager :	RL Thanhmuna	9436152760

Branch Office Bearer

President	<i>C Lalarliana</i>	9436142049
Vice President	<i>K Darthantluanga</i>	9436196071
Secretary	<i>Zairemmawia</i>	9862385654
Asst. Secretary	<i>RL Thanhmuna</i>	9436152760
Treasurer	<i>R. Lalmachhuana</i>	9436151817
Fin.Secretary	<i>Lalrinliana</i>	9862581814
Adviser-te :	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

Editorial :

Tunlaiin kan Branch-in tih tur pawimawh tak tak kan nei nual a, a inhmang te chu an hah khawp ang. Tunkarah tawp lam intihsiak kan nei hmang dawn a ni a, inelna thianghlim tak hmang ila a duhawm khawp ang. He intihsiakna kan hman tur hi ram pum huap intihsiak a mi tur inbuatsaihna a ni a, ram pumah hian kan hming a tha a, chumi vawng nung zel tur chuan tun hi inbuatsaihna hun tha a ni a, chuvangin kan hun hman tur hi tha taka hman i tum ang u.

Zaipawl lam pawhin ngawrh takin hla an zir zel a, an rimin an hah tlah tlah hle mai a, an inbuatsaihna kawng veng mipuiten kan theih ang tawka kan puhi a ngaih hle ang. zaipawla tel tur hian hun leh tha tam tak sen a ngai a, intihsiak an hmabak a, General Conference-a zai an ngai bawka, chumai a la ni lo, silver jubiee kan thlen thlengin mawhpurhna an la nei cheu bawka, heng zawng zawng avang hian sum leh pai mai bawka tawngtainaah pawh kan hriatreng a tha hle ang.

Hetianga kan veng kan buai laih laih lai hian mitthi kan nei a, hei mawh hi kan mawhpurhna lian a ni. Memberte pawhin hetianga kan buaitlan em avang hian inpek thar i tum ang u. Veng lian kan nih avangin kan hmalakna hi a tam lo thei lo va, chuvang chuan kan buai deuh rih tum hi chuan kan theihna sang ber hman i tum hram hram ang u. Ram leh hnam humhalh bawkin tun tum chu i inawi leh phawt ang

Article**Ram leh hnam hum halh***(Kar hmasa chhunzawmna)**- Kumpulan Sub-Committee*

dang mi in kan luah tir hian kalpui a ngah thin, hmehriat loh mikhual tam tak an thlenga, tui leh inthiarna thlengin a buaithlak thin. Chumai bakah hnamdang mi in luah tir hian ram leh hnam humhalh kawng hmalakna nasa takin a ti thuanawp thei tih hria ila, hnamdang mite hi in luah tur nei ten luah tir loh hram a tha. Ruk ruk leh sualna chi hrang hrang hi heng atanga in tan te pawh a nihna lai a awm bawka.

kawngah hian mahni ngawtin a tih theih loh tih chu dik mahse, mahni hming hawh tira hnamdang mi sumdawn tir hi chu thil tha a ni lo. Kan hminga hnamdang mi kan sumdawn tir avanga an hnen atanga pawisa dawn hi kristiante tana tih awm loh tak a ni a YMA member-te phei chuan kan tih loh tawp tur a ni. Hnamdang mi hnawka kan tih viau chuan an thil neih pawh it loh hi a tha.

sawi thin kan sawi zel dawn. Kan ram min runtu leh tichhe mektu hi zu leh ruihhlo hi a ni tlat. Kan ram enkawla venghimtu tur Mizo thalaite ruihhlo bawihah kan tang nasa lutuk a, hetianga kan thalaite ruihhlo bawih-a an tan nasat lutuk chuan nakin zelah duh lo hle mah ila hnamdangho hian min la chimral dawn tho tih hi kan hriat nawn fo a thil hle mai. Ram leh hnam humhalha veng tur hian ruihhlo do hi tih mak mawh leh hmalakna langsar ber a ni lo thei lo a ni. Chuvangchuan tha thlah miah lova zu leh ruihhlo do hi Ram leh hnam humhalh dawn chuan kalpui a la ngai a ni.

Thlaler hmuna khawsak hautak zia leh harsat zia hi lehkhawb leh TV lamah kan hmu fo awm e. Kan rama thing

leh mau te hi kan humhalh loh chuan kan ram hi mihringte tana chenna tlak lohah kan siam thuai thei. Tui hna awm tirtu hi thing leh mau te an ni a, chu mai bakah a tel loa kan awm theih miah loh boruak thianghlim min siam saktu ramngaw te hian humhalh hi an phu hliah hliah in ka hria. Chaltlang kham leh Mc Donald Hill pang kham te humhalh a nih hnu hian lung lum sawi tur a khat hle mai, a chhan chu thing leh mau te hian lei an ti nghet a, lung lum maithei dinhmuna dingte pawh an lo chelh thin vang a ni. Ramngaw humhalh tur chuan ramsa leh save te pawh humhalh tel an ngai, mihring, nungcha leh thing leh mau te hi kan in mamawh tawn vek a, a hrangin kan awm thei lo. Thing nget ei thin sava an tlem chuan thing ngetin thing kha a ei chhe mai thin, chutiang zelin thil dang pawh. Kan ram hi chenna tlaka siam kan tum a nih chuan heng nungchate leh thing leh mau te hi kan humhalh ngei a ngai a ni.

kan duh luat avangin a ngam huai huai hnena ram hralh ngawt hi a him lo. Tin, duh ai hian mizote hian loan lak hi kan huai mah mah in ka hria, sawrkar hriatpuina thlapa din Bank tam tak an awm laiin mimalin an din Financial Institution-a loan la hi tam tak an awm thin. Tun thlenga kan ram economy khawih buaitu chiahpum kan tih te leh mimal hnena pawisa tam tak dah tang kan awm teuh maite hian sum kan duhna lutukah hian khaw eng kan hmuh loh zia a tilang Chiang hle bawka. Tun din hmuna hian Mizorama LSC tam tak chu mimal hnena dahkham a awm a, pawisa puk tuten an pawisa puk an rulh theih loh chuan an ram chan maithei dinhmuna ding hi tam tak an awm a ni. Han sawi zau deuh ila mimal

(Phek 4-naah chhunzawm)

Chawngbawla Section

- ☐ Hnam lam zir mek zel a ni a, member te thahnem ngai taka zir zel turin an inchah.
- ☐ Tv H. Lalrinmawia'n hnam lam zirte sawhchiar tui tak a tum sak a, a chungah lawmthu an sawi. Tin, an hruaitu pakhat in Rs 700/- a thawh bawk a, Pu Lalrinchhana'n (Mapuia) Rs 500/- sawhchiar siam nan a thawh bawk.
- ☐ Section chhungah ui leh ar khuahkhirh tlat turin ran neitu te an in ngen.
- ☐ House No leh Name Plate man tifel thuai turin Bial i/c te an inhriattir.
- ☐ Ni 27.7.2013 (Inrinni) nileng khan Chawngbawla Run leh Zun In siamin an hnatlang a, chhun thingpui leh a hmeh tui tak tum saktu Pu L. Nghakliana chungah an lawm hle.
- ☐ Kawngpui siamthat zawh chauh a ni a, Kawngpui a Cubic lung un-load, iron rod chhutngil etc tilo hram turin mitin an in ngen. Kawngpui i dim tlang ang u.

Khuangchera Section

- ☐ Kar leh hun remchang hmasa berah meeting tum a ni. Hruaitute hun awl lo insiam lawk turin an inhriattir.
- ☐ Hnam lam ngawrh taka zir chho zel a ni. Thahnemngai taka lam zir thinte leh lam zirtirtue chungah lawmthu an sawi. Lam ei tur tum saktute Pi Lalrinmawii w/o Zonunsanga leh Pi Mapuii te chungah leh Sawhchiarrawn tum saktu an hruaitu hlun Pu H. Laltanpuia chungah lawmthu an sawi. Midang ei leh inrawn la tum tur an awm nia an hriat avangin an lawm hle a ni.
- ☐ House No. Plate zawrh chhuah tan a ni a. Chhungtinte tlawmngaia lo khul sak theuh turin an ngen.
- ☐ Silver Jubilee Fund chhungtinah khawn mek a ni a. Chhungtinte'n lo ngai pawimawh turin an inngen.
- ☐ Section huam chhungah ualau deuh taka ruihhlo tia thukhawm thin an awm nia hriat a ni a. Heta inhnammawihthe hruaitute hmalak hmaa lo sim vat turin an inhriattir.

Neuva Section

- ☐ Hnam lam zir mek a ni. tlawmngaia lam zir zawng zawng chungah committee chuan lawmthu a sawi a, Instructor leh Instructress-te inpekna leh Section

dangte huphuh khawp a lam an zirtir thin avangin committee chuan lawmthu a sawi tak meuh meuh.

- ☐ Ni 1.8.2013 (Nilaitawhtan) khan Section chhungah Zu man a ni. Tun chinah Section huamchungah Zu leh Damdawi (Ruihhlo) man a nih leh chuan inhriatthiamna a awm lo ang, hei hi Warning-ah ngaih nghal tur a ni ang.
- ☐ Section Hruaitu ten Silver Jubilee thawhlawm anrawn khawn leh dawn a, Chhungkaw tin ten ngai pawimawh a pe fel thuai turin an inchah.
- ☐ Ui leh Ar vulhtuten mahni ran vulhte khuahkhirh theuh turin an inngen.
- ☐ Chhungtinte mahni In leh avel vawngfai turin an inchah.
- ☐ Committee member Pu HVL Zasanga chu chhungkaw thilah Manipurah a zin mek, dam taka arawn haw leh thuai an beisei.

Taitesena Section

- ☐ Ni 8.7.2013 (Pathianni)khan committee an thu a, thu pawimawh tak tak an rel.
- ☐ Hnam lam zir mek a ni a, Section member, a bikin hmeichhia an tam lo chu pawian ti hle a, fan la thar turin leh thahnemngai leh zual turin an inngen.
- ☐ Hnam lam zirna a la kal ngai lo leh zir ngai lote pawh inthlahrung lo a zir thin turin an inhriattir
- ☐ Silver Jubilee Fund chhungtinte thawh tur chu khawn chhoh mek a ni a, a khawn fel tawhte'n Br. Asst. Secretary Pu RL Thanhnuna hnenah thehluh turin an inngen.
- ☐ Mitthi Signboard leh Kuang Stand thar neih tumin hmalak mek a ni a, hemi atan a mi inpe Donate theih kan awm nih chuan Section Committee-in lawm takin a pawm ang.

Vanapa Section

- ☐ Ni 30.7.13 zan khan Section committee a thu. Hmalakna tur leh thu pawimawh dangte rel a ni.
- ☐ Ni 31.7.13 zingkar leh Ni 3.8.13 khan Footpath rawng hnawih hnatlan a ni a, Tui an mamawh apianga petu Pu Lalnunmawiate chhungkaw chungah lawmthu an sawi.
- ☐ Lam zirte tan Tv Hmingthansanga (Hmingte-a) chuan Rs 500/- leh Pu Saihnuna Sailo ten Squash an pe a, an lawm tak meuh meuh a ni.

✚ Kan Then Tak ✚

TIMOTHE

LALHMANGAIHZUALA

Zonundanga leh Lalhruaizeli te fa tlum ber Timothe Lalhmangaihzuala hi Ni 9, April, 1997 khan Aizawl Civil Hospital-ah a pianga, Bethlehemah zir bul tanin, tunah hian pawl IX Govt. High School Falkawn a pa hnathawhna hmunah a zir mek a ni. Ni 1.8.2013 khan a pa nen Kelsih kuaah electric wiring hna an thawk a, an haw lam chu vanduai thlak takin bike nen an insu a, hemi zan dar 8:00 hian a hliam tuar lovin chatuan ram a pan ta a ni.

**LALCHHUANLIANA**

Lalchhuanliana hi Lalbiakmawia leh Vanlalruati te upa ber hi Hmunpui kuaah kum 1982 khan a lo pianga, an unau hi pali an ni. Naupangte a ni lai atangin a pi leh pu bula awmin Chanmari West Primary schoolah a kal thin a, Govt. Hrangbana College atangin BA a zo a, MA pawh IGNOU atangin 2011 khan a zo leh bawh. Ni 1.8.2012 zan a leng haw chu an inbul stepah tlu sualin a lu lamah hliam a tuar a, Hospital panpui vat a ni nain, a hliam tawrh avangin a boral ta a ni.



Kan mitthite chhungkua hi Chanmari West Branch YMA chuan a tawrhpu hle.

Chanmari West School Teacher's union (CSWTU) te intuaitharna study tour a hman tur Bialtu MLA Pu Lal thanzara'n pawisa a pe chu an lawm hle. Hemi hmang hian member-te Mizoram pawna zin turin an inbuatsaih mek.

Vanapa section report chhunzawmna

- ☐ Hnam lam zir mek zel a ni a, tunkar chhungin zantin zir tawh tur a ni a, YMA chhang member lam zir thinte pawh intihsiaknaah tel vek tur a ni.
- ☐ Chhiat tawh a Motor atul anga an hman tir thintu Pu Rochungnunga, Pu Robert-a, Pu T Lalremruata, Pu Vanlallawma, Pu Zorinate chungah lawmthu an sawi.

CWSC FOOTBALL

☐ Ni 6.8.2013 (Tue) zan hian committee neih tum a ni.

☐ I-Day Celebration Football Tournament neih mekah ni 1.8.2013 (Thu) khan AFC (Jr.) nen khelin 50-2 in hnehna changin Quarter Final lutin Ni. 8.3.2013 (Thu) dar 2:00 pm ah AFC (Sr.) nen an khel ang.

☐ Hruaitute thawhlawm Ip ngaih pawh turin an inngen a, a khawntute a ranglama khawn fel thuai turin an inchah.

☐ Player-te inkhelhnaa tangkai tak Bib min lei saktu Pu H. Lalnuntluanga (Auto Works) te chungah an lawm hle.

☐ Lalbiaksangan tanpuina Rs. 1000/ a pe a, a chungah an lawm hle.

CWSC VOLLEYBALL

☐ 2nd Division tan Ni 6.08.2013 atang hian Tuikual North Indoor Stadium-ah Independence day Volleyball Tournament cum Season Opening tan a ni dawn a. Tournament-a chhuak tur hian ngawrh taka inbuatsaihna neih mek a ni.

☐ Vawiin tlai dar 3:00-ah hian 2nd Division Registered Players leh hruaitute kim takin TT Hall, Indoor Stadium-ah kal khawm tur a ni.

CWSC TABLE TENNIS

☐ Chawnpui Table Tennis Club Invitation Tournament 2013 tel duh tan vawiin chawlhni tlai dar 5:00 hma in I/c Dr David Malsawmkima 8575180149 ah in report tur a ni. Mens Team (Mi 3), Mens Open, Sub Junior Boys (Kum 15 hnuai) Cadet (Kum 10 hnuai) ah te tel theih a ni.

ARM WRESTLING LEH SEPATAKRAW BUATSAIH DAWN

Central YMA chuan Sept ni 3 atanga tan turin Sepatakrav Game leh Arm Wrestling Championship a buatsaih dawn a, hetiang lama tuimi te chu lo inbuatsaih tura hraitir inni.

Sepatakrav Tournament hi Regu (3 player & 2 substitute=5) a khel tur a ni.

Arm Wrestling-ah hian weight Category hetiang hian then a ni. Mipa - Below 55 Kgs, 60 Kgs, 70 Kgs, 75 Kgs, 80 Kgs above leh Champion of the champion. Mipa bikah Disable person tan buatsaih a ni bawkdawn.

Hmeichhia-Below 50 Kgs, 55 Kgs, 60 Kgs, 65 Kgs and above.

Article chhunzawmna

hnena thla khata 2% a pung in loan i la a, a pung hi tlem i ti viau maithei, amaherawhchu kumkhata a pung erawh hi chu 24% daih a ni tih hriat a tha. Hei hi sawrkar dan dinglai kalh a ni. In hmun lo ram hralh chungchangah pawh hian mi tam tak chuan an hlawkna tur a nih phawt chuan hnamdang mi hnena ram hralh duh mai te pawh an awm. Khawchhak lam mite leh Manipur lam mite hian in hmun hi an ngam huai viau in an sawi a, Aizawl khawpui chungah pawh hian hmunhma tam tak an nei tawh niawmin an sawi. Mizoram kan hmangaiha humhalh kan duh a nih chuan ram hralh chungchangah hian fimkhur a ngai hle a ni.

Pawisa duh luat avanga mi LSC engtin tin emaw a la chhuak a, a neitute hriat miah lova pawisa puk nana lo dahkham ta daih hi tam tak an awm. Tunlai hian hetiang ang thil avanga court a kal a, thubuaithehlut hi tam tak an awm a ni.

Khing a chungah kan tarlante bakah khian Ram leh hnam humhalh kan duh tak zet a nih chuan te lua awm lova hmalakna tur kawng tam tak a awm, vengchhunga tuiluan-kawr tih fai te, bawlhhlawh paih chungchangah te hian YMA hnatlan ni chauh a tifai thin ni lovin bawlhhlawh a awm apianga tihfai mai duhna rilru kan putte hi a hun ta hle mai. Chu chu ram leh hnam humhalhna kawng khat a ni tho si a. Local Council-in bawlhhlawh paih dan turah ruahmanna fel fai tak neiin a kalpui reng lai a, tui luankawr-a bawlhhlawh la paih hram hram thin kan awm a nih chuan kan ram hi kan hmangaih lo hle tihna a ni a, chutiang mi kan awm a nih chuan sim vat a tha hle a ni.

CEMENT MISTIRI TRAINING DUH TAN

Central YMA leh Labour, Employment & Industrial Training Deptt. tang kawp chuan August thla tawp hian karkhat aw h tur Cement Mistiri Training a buatsaih dawn. Training Fee a awm dawn lo va, trainingte tan D.A pek an ni ang.

Training duhte chuan Branch Secretary hnenah hming, pa/nu hming, kum leh awmna section leh phone number August ni 6, Nilaini aia tlai lovah in hriattir tur a ni e.

Eizawmna tlaka Computer thiam duhte tan D&D Computers, Vaivakawn chuan Computer Hardware & Networking Zirna a hawng thar ta! Admission hi hawn mek a ni a, seat a tam loh avangin kal hmasa apiang duhsak an ni ang.

1. Certificate In Computer System Engineering (CCSE) - 3 months
2. Diploma In Computer System Engineering (DCSE) - 6 months
3. Advance Diploma In Computer System Engineering (ADCSE) - 12 months

Zirlai tinte hnenah an zirnaa mamawh tur, a hnuai ami ang hi a thlawna pek an ni ang.

- 1) Pendrive (4GB)
- 2) CD's Bag
- 3) OS Boot CD's & Common Application Software CD's
- 4) Screw Driver

@ Admission-ah hian Monthly Fee (Thlakhat man) pek nghal tur a ni. ₹ 500 + ₹ 2500 = ₹ 3000

@ Zirlai pakhat tan ni khatah darkar 1 zel a ni ang a, practical bikah chuan hriatthiamna a awm ang.

@ Admission Form hi D&D Computers, Vaivakawnah lak tur a ni.

@ Zirlaite'n pen leh notebook ken zel tur a ni.

Contact 9862365998 (2-2)

SANGHA , SANGHA

Sangha thar leh thianghlim tak englai pawhin YMA Run Vanapa Section-ah lei tur a awm e.

1 Kg - Rs 150.00

ZOFA

☐ Ni 2.8. 2013 (Zirtawp) khan Song & Drama workshop, Chanmari YMA Hall-a neih ah Mizo Hnam lam leh Lem chan hmuhawm tak member 17 in an entir.

☐ Song & Drama hnuai Awareness Programme nei tura Mamit leh Champhaia zin turin an inbuatsaih mek.

☐ Club member reng reng hruaitute remtihna lo chuan Club dang hminga programme nei lo turin an inhriattir.

☐ Vawiin (chawlhni) chawhma inkhawm ban hian Pu Zonunsanga (Patea) te inah OB meeting neih tur a ni.